

沅陵縣志

沅陵縣志

沅陵縣志卷三十

人物一

漢

田疆五溪酋長威信素著王莽欲招徠之錫以銅印疆義
不屈有十子皆雄勇自保曰吾等漢臣誓不事二姓乃
以三子將五萬人下屯沅東各築一城烽火相應田子
居中城王子居上城倉子居下城以拒莽雍正間祀沅

陵忠義祠

曹學全名勝志
省志 府志

宋

秦再雄以武健名累立戰功蠻黨服之乾德元年三月太

祖平湖南思得通蠻習險智勇可任者以鎮撫之召再
雄至闕下察其可用擢爲辰州刺史官其子爲殿直仍
使自辟吏屬予以一州租賦再雄感恩誓死報至州訓
土兵得三千人皆能披甲渡水歷山飛塹捷如猿猱又
選親校三十人分使諸蠻以傳布朝廷懷徠之意得各
酋降表以聞太祖大喜改授辰州團練使以其門客王
允成爲推官自是一方乂安無復邊患

宋史蠻獠傳
府志

按再雄應入名宦以其爲辰州人故入於人物

單煒字炳文博學能文得二王筆法字畫遒勁合古法度
於攷訂法書尤精由武舉得官仕至路分著聲江湖間

名卿大夫多與之交與鄱陽姜夔奉投分尤稔自號

定齋居士

齊東野語
省志

張翹神宗時遣章惇經略湖北翹以布衣上書言江南諸
蠻雖有十六州之地惟富峽敘僅有千戶餘不滿百土
廣無兵加以洊饑近向永昭與縑鶴敘諸州蠻自相讐
殺眾苦之咸思歸化願先招富峽三州俾納土則餘州
自歸竝及彭師晏之孱弱皆可郡縣詔下知辰州劉策
商略策俱如翹議行明年富州向永昭峽州舒光銀光
秀皆納土請降如翹言惇銜之或以告翹翹曰苟利於
人死所不避惇竟不能害晚年山居杜門不出幾二十

年時論高之

宋史

一統志

府志

舊志

張溥字濟仲爲人勇健不畏強禦紹興四年甲寅土苗常

概叛溥率眾禦之遂滅概以功奏補進勇副校尉後遷

至進武校尉浦口獠獠猖獗州郡以溥勇充都巡檢獠

僚畏懼不敢出縣境賴以得安今碑銘存蒙坡山麓

省志

府志
舊志

明

劉必聰洪武丁卯鄉舉以薦拜山西道監察御史整飭風

紀所至肅然

楚紀
省志

王信永樂中由薦授監察御史守正不阿朝士多敬憚之

嘗有囚論死屬其鄉人懷金居閒信峻卻囚卒抵法

楚紀

省志

袁伯儀永樂中由薦授監察御史風裁峻整人不能干以私時有中官與朝貴不協使人授意伯儀令具疏劾之即與美除伯儀曰害正人而得美官君子不爲也吾爲御史可聽刑人言乎因上疏極論中官尋以病乞歸

楚紀

省志

李震字聲遠本華陰人曾祖林任瀘溪學錄因家焉宣德中御史薛瑄以賢良方正薦固辭不起

省志

張榮正統中由監生薦歷官戶部員外郎上恭儉卹民

疏竝列奏病民罔上數事皆嘉納之

萬歷總志
省志

杜美正統甲子舉於鄉初任貴州施秉知縣陞江西瑞州

府通判因輸運著績內轉戶部郎告致歸越二載仍以

原職徵用已壽終於里上憫其勤勞賜祭建坊旌之其

坊至今在焉

省志
舊志

府志

沈溥字大霖性剛直博學善談論凡天文地理陰陽醫術

歷律刑名罔弗窮究景泰丙子領鄉薦授廣西靈川知

縣民猺雜處號稱難治溥操縱有法民皆安之在任十

一年致仕壽九十終

省志
舊志

府志

李轍中景泰丙子鄉榜成化丙戌成進士授評事歷陞江

西按察司僉事奉勅整理贛州有風裁爲時所重卒於

官

省志
舊志

府志

宋冕郡庠生援例入太學出授州判後以功由州同擢山

東曹州知府增城浚池保愛黎庶宦績爛然成化初致

政歸郡守易貴知其才幹凡郡中興革輒與參稽修學

宮改府堂皆請襄事焉其白郡守請革辰砂稅一事郡

人尤感之年九十卒

省志
舊志

府志

賈澄字廉夫號東明自幼賦質不凡以孝友著成化庚子

舉於鄉丁未成進士殿試居湖省首初任山東武定知

州歷任四川僉事一時德政所在甚著致仕歸以文詩

自娛有江月吟嵐屏文集孝友至訓藏於家

楚紀志

府志

舊志

陳鑾字朝儀端莊孝友宏治乙卯舉人授資縣令御民寬

大不擾因破流賊有功監司忌之遂與構隙朝廷黜監

司調鑾瑞州高安教諭陞晉府長史資縣高安皆誌其

宦蹟祀鄉賢祠

省志府志

劉紳號勺泉甘貧好學以歲貢授都司斷事陞嚴州府同

知清慎有惠政不屈權貴士民德之進階四品及致政

歸囊無餘積杜門教子年八十餘卒祀鄉賢祠

省志府志

舊志

潘棠字希召號雲巢少聰穎學識甚優宏治乙卯舉於鄉
乙丑成進士觀政時上疏請以鎮筵爲州控治苗獠詔
下有司會勘寢不行後鎮筵苗猖獗有司征討糜費死
傷無算乃設守備猶其策也初授河南懷慶府推官藩
王有香火祠棠白之改爲韓文公祠庚午盜起河朔棠
料量軍餉先爲捍禦懷慶以安陞南京吏科給事中時
宵旰人請益護衛棠上疏言宵藩無故請兵將有異志
尋果反後爲忌者所排降武義丞遷內江知縣許州知
州陞雲南按察司僉事振肅憲度尋丁父憂歸以母老
不復仕與諸弟講明正學力排佛老著有雲巢集濟濱

靈異辯諸書藏於家祀鄉賢祠

一統志

省志

府志 舊志

周鎬字宗化號東岡宏治甲子舉於鄉正德戊辰成進士

授湯陰令時蘇盜煽眾乘勝勒降吏多棄城走鎬率眾

誓師爲善守計於是人人自憤無不願爲鎬死者鎬繕

兵實修城垣嚴間諜撫勵兼至賊乃引去城獲全陞刑

部主事歷貴州參議

彰德志

省志

府志

舊志

歐涇號龍山宏治中歲貢授思南府推官方正嚴明因忤

當道遂棄官歸知府孔輔慕其賢每訪於家舉鄉賓不

赴卒年八十餘

府志 舊志

杜仲簧以廩爲太學生任寶應縣丞有聽斷才邑有疑訟

一經審理莫不悅服士庶薦紳咸稱頌焉以乞終養歸

里壽九十終

府志

胡璉字天子正德二年由明經授四川保甯府推官剛方

耿介執法不阿兩載以疾致仕歸舟下巫峽水漲舟危

璉仰天誓曰吾行李蕭然無長物止有室人兩金環得

無此物爲祟乎令投水中舟遂濟抵黃陵廟買魚祀神

剖魚腹金環儼然在焉時謂清德所感家居杜門教子

鄉評重之

一統志 省志
府志 舊志

陳譽字朝望鑾之弟也正德庚午舉人由教授陞峨嵋知

縣涖政三年廉能慈愛剛正不阿得爲政之體著有辰

陽名宦鄉賢記畧言簡而當

府志

董漢策字道夫幼岐嶷正德癸酉舉人上春官不第歸建
翠山書院扁其堂曰正誼蓋志仲舒也嘉靖癸未成進
士授工部主事上緝熙聖學疏上嘉納之命與修顯陵
嚴嵩用事嘗忤嵩意遂以母老乞歸逾年起雲南按察
司僉事不就酷嗜易傳春秋刻真西山心政二經所著
有懷獨日見諸書藏於家祀鄉賢祠

省志
府志

吳勲其先武進人爲辰州衛指揮同知遂家焉正德七年
二月從都指揮湯輔截殺流賊至德安府領兵赴應山
縣葛基山遇賊蜂擁時承平日久兵不習戰勲憤然色

變曰汝輩不力吾以身殉遂與賊敵力盡而死尋獲屍
歸撫臣劉丙奏稱勲捐身赴敵死於鋒鏑典當優恤詔
賜諭祭一壇男山加一級襲指揮使雍正間祀忠孝祠

府志

宋瑛以歲貢歷官平樂府通判正德八年柳州諸洞苗猖
獗巡撫洪範檄瑛討捕至楊頭寨苗糾合九寨餘黨來
攻瑛力不支身被數創困二日救兵不至遂爲苗害雍

正間祀忠孝祠

一統志 省志 府志 舊志

宋儒瑛之長子也痛父陣亡奮不顧身同守備李實直攻
苗巢接戰三日擒其魁苗駭散獲父屍裹負歸七孔流

血抱屍而死巡撫洪範以宋瑛爲死忠宋儒爲死孝官

給銀扶柩歸葬將奏請贈諡範陞尚書去事遂寢雍正

間祀忠孝祠

一統志 省志
府志 舊志

蕭韶正德八年由監生授南豐縣主簿廉介自持不妄譴

罰嘗值佳節官舍一無所具有知其事者以一生魚私

饋之家人既烹以進韶詢所自來叱而不食

建昌府志

王世隆少英敏強記爲文援筆立就年十七中正德丁卯

舉人嘉靖丙戌進士授刑部主事讞議精詳多所平反

歷陞貴州副使有風裁既歸構大酉妙華書院集諸生

講業其中湛甘泉爲銘其堂著有洞庭髯龍集行世祀

鄉賢祠

省志
舊志

府志

蕭珍字子鳴號雲磬少有才華精文翰中正德乙卯鄉舉

嘉靖癸未進士授吏部主事典試中州督學黔省爲士

模範告歸養二親盡孝暇與門人講性命之旨析理分

明年未四十卒士人惜之祀鄉賢祠

明統志
府志

省志
舊志

劉觀時字易仲郡庠生王文成公寓辰州日觀時從之遊

聞致良知之學得其奧妙陽明作見齋說以遺之潘棠

蕭珍皆推轂焉爲人剛方正直一切聲華勢利淡如也

學者稱沙溪先生

省志
舊志

府志

王嘉秀字實夫時王文成公自龍場歸慨然從學其後隨